

# ВЫНСЬӦДӦМА

Коми Республикаса Веськӧдлан котырлӧн  
2020 во лӧддза-номъя тӧлысь 15 лунся 304 №-а шуӧмӧн  
(22 №-а содтӧд)

“Урьӧль нюр” республика тӧдчанлуна  
канму вӧр-ва заказник йылысь

## ПОЛОЖЕНИЕ

### 1. Панас

“Урьӧль Нюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лӧӧ республика тӧдчанлуна торйӧн ӧна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Урьӧль нюр” республика тӧдчанлуна канму вӧр-ва заказник.

ООПТ-лӧн дженьыд ним: “Урьӧль нюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

### 2. Заказник артмӧдан медшӧр могъяс да сылӧн могъяс

2.1. Заказниксö артмөдöма мезоолиготрофнöй нюр система видзöм  
могысь.

2.2. Заказниклөн шөр могыяс:

видзны экологическöй öтвесьталунсö;

видзны ландшафтнöй да биологическöй унапöлöслунсö;

видзны ва экосистемаяслысь гидрологическöй режимсö;

туявны вөр-ва комплексъясын ывлывса процессъяссö да видзöдны  
экосистемаяслөн серпас вежсьöм бöрся.

### 3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса  
муниципальнöй юкөнлөн мутасын Шойнаты сиктсаянь 6 км асив-  
луныввлань, Шойнатасы лесничестволөн Керöсса участковöй  
лесничестволөн 3-7, 17, 18 кварталъяслөн мудоръясын.

Заказник меститчанінлысь карта-схемасö вайöдöма тайö Положение  
дорö 1 содтöдын\*.

3.2. Заказник мутаслөн площадьыс лöö 1660 га.

---

\* Оз йöзöдсы.

### 4. Заказниклөн мудоръяс

4.1. Заказниклөн мудорыс муно Шойнатасы лесничестволөн Керöсса  
участковöй лесничестволөн 4 кварталса 18 выделлөн рытив-войыв помсянь  
4 кварталса 18 выделлөн войыв мудорті, 5 кварталса 2, 9, 11, 15, 21  
выделъяслөн войыв мудоръясті, 5 кварталса 21 выделлөн асиввыв мудорті,  
6 кварталса 16 выделлөн войыв мудорті, 7 кварталса 1 выделлөн рытиввыв,  
войыв, асиввыв да лунвыв мудоръясті, 6 кварталлөн асиввыв мудорті, 7

кварталса 21 выделлөн войвыв, асыввыв да лунвыв мудорьясті, 6 кварталса 16 выделлөн лунвыв мудорті, 5 кварталса 21 выделлөн лунвыв мудорті, 4 кварталса 36 выделлөн лунвыв мудорті, 18 кварталса 2 выделлөн лунвыв мудорті, 17 кварталса 11 выделлөн лунвыв, рытиввыв да войвыв мудорьясті, 18 кварталса 2 выделлөн рытив-войвыв да войвыв мудорьясті, 4 кварталса 36 выделлөн рытив-лунвыв мудорті, 3 кварталса 38 выделлөн лунвыв, рытиввыв да войвыв мудорьясті, 4 кварталлөн рытиввыв мудорті, 3 кварталса 36 выделлөн лунвыв, рытиввыв да войвыв мудорьясті, 4 кварталса 30, 31 выдельяслөн лунвыв мудорьясті, 4 кварталса 31, 29 выдельяслөн асыввыв мудорьясті, 4 кварталса 29 выделлөн войвыв да рытиввыв мудорьясті, 4 кварталса 30 выделлөн войвыв мудорті, 3 кварталса 19 выделлөн лунвыв, рытиввыв да войвыв мудорьясті, 4 кварталса рытиввыв мудорті петан чутөдз. Заказниклөн мутасө сідзжө тырвийө пырöны Шойнатыса лесничестволөн Керөсса участковöй лесничестволөн 3 кварталса 27, 28 выдельяс, 4 кварталса 21-24, 32-35, 37-39 выдельяс, 5 кварталса 3-5, 8, 10, 11, 13-20, 22, 24 выдельяс, 6 кварталса 12-15 выдельяс.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын\*.

---

\* Оз йөзөдсы.

## 5. Заказниклөн мудорьясын меститчысь видзан вөр-ва комплексьяс да налөн компонентьяс

Заказникын видзöны мезоолиготрофнöй нюр система, мый артмө некымын массивысь, кутшөмьясөс юклөма вөр мусюрьясөн, диясөн, визуван зыбучьясөн да тыясөн. Ыджа серти вевтыртöны вылыс массивьяс да олиготрофнöй сикаса участокьяс. Пу ярусые артмө обыкновеннöй пöжöмысь (*Pinus sylvestris*). Вöрыс бура сөвмөма сöмын нюр дорын да вөр дияс костын векни венөрьясын. Нюр шöрын ярусые гежөд либө абу, лөсялө

вутшка, гырысь вутшка веркӧс да быдмӧны: нюрвывса момга турун (*Chamaedaphne calyculata*), керч (*Ledum palustre*), обоеполӧй понпир (*Empetrum hermaphroditum*), векньыд корья подбел (*Andromeda polifolia*), обыкновеннӧй чӧдлач (*Vaccinium uliginosum*) да мырпом (*Rubus chamaemorus*). Помся быдмӧны гӧгрӧс корья лысва турун (*Drosera rotundifolia*), гӧгрӧс турипув (*Oxycoccus palustris*), посньыд вотӧса турипув (*O. Microcarpus*), этша дзоридза эжӧр (*Carex pauciflora*), влагалищнӧй гӧнаюр (*Eriophorum vaginatum*), сжатӧй политрихум (*Polytrichum strictum*), Шреберлӧн плеврозиум (*Pleurozium schreberi*) да ӧткымын нюр нитш (магелланскӧй нюр нитш (*Sphagnum magellanicum*), векньыд корья нюр нитш (*S. angustifolium*), Руссовлӧн нюр нитш (*S. russowii*)), но вевттьӧдын став тайӧ сикасысь быдӧн босьтӧны 1-3 %. Вутшкостса ляпкыджыкинъясын быдмӧны нюрвывса момга турун, кузьмӧс корья подбел, влагалищнӧй гӧнаюр, гӧгрӧс турипув да местаясӧн этша дзоридза эжӧр.

Пӧкатыс мусюра-йӧнӧда, нюр йывсянь ылыстчигӧн комплексыс тӧдчӧ омӧльдзыка да вочасӧн вежсьӧ вутшка, вутшка-зыбуч либӧ зыбуч вылӧ. Йӧнӧдьясын быдмӧны шейхцерия-нитшка, зыбучьясын – шейхцерия-нитшка, эжӧра-нитшка да гӧнаюра-нитшка фитоценозьяс. Доминантӧн лоӧ татшӧм сикасысь ӧти: нюрвывса шейхцерия (*Scheuchzeria palustris*), влагалищнӧй гӧнаюр либӧ зыбуч эжӧр (*Carex limosa*). Ӑткӧн – английскӧй лысватурун (*Drosera anglica*), гӧгрӧс корья лысва турун (*D. rotundifolia*), гӧгрӧс турипув да кузьмӧс корья подбел. Му веркӧсыс ӧнджыкасӧ ӧтторья да артмӧма балтийскӧй нюр нитшкысь (*Sphagnum balticum*).

Нюр дорын быдмӧ бутыльчатӧй эжӧр (*Carex rostrata*), посни эжӧр (*C. lasiocarpa*) да вежласяна нюр нитш (*Sphagnum fallax*) либӧ тусяпу кустьяс да ляк кыз (*Betula nana*). Васӧдджык участокьясын, нюрысь петан шорьяс матигӧгӧрын паськалӧмаӧсь: зыбуч куз (*Equisetum fluviatile*), кадвуж (*Menyanthes trifoliata*), зыбун турун (*Comarum palustre*), стройнӧй гӧнаюр

(*Eriophorum gracile*), плетевиднӧй эжӧр (*Carex chordorrhiza*), ойдлан эжӧр (*Carex paupercula*) да мукӧд, а нитшъясысь медьёна паськалӧмаӧсь вадорса нюр нитш (*Sphagnum riparium*), вежласяна нюр нитш (*Sphagnum fallax*), варнстрофия рӧд сикасыяс да мукӧд.

Заказникын быдмӧ чутӧсь мӧсняк турун (*Dactylorhiza maculata*), кутшӧмӧс пыртӧма Быдмӧгъяслӧн лыддьӧгӧ (списокӧ), кодъяслӧн вӧр-ваын олӧм бӧрся колӧ торйӧн видзӧдны да кодъясӧс вӧзйӧма босытны биология боксянь дӧзьӧр улӧ, мый вынсьӧдӧма Коми Республикаса вӧр-ва озырлун да гӧгӧртас видзан министерстволӧн 2019 во рака тӧлысь 27 лунся 498 №-а тшӧктӧдӧн (3 №-а содтӧд).

## 6. Заказник торйӧн ёна видзан режим

6.1. Заказниклӧн мутасын оз позь вӧчны овмӧс нуӧдан да мукӧд удж, мый вӧсна вермас торксыны экосистемаяслӧн дзоньлуныс, сы лыдын:

- 1) капитальнӧя стрӧитан объектъяс стрӧитӧм;
- 2) линейнӧй объектъяс стрӧитӧм, тайӧ Положениелӧн 6.2 пунктын индӧм случайяс кындзи;
- 3) пуяс да кустъяс кералӧм да механическӧя жугӧдӧм (виччысьтӧм да аварийнӧй ситуацияяс кындзи);
- 4) абу пуа вӧр ресурсъяс, вӧрса сӧян-юан да бурдӧдан быдмӧгъяс заптӧм да чукӧртӧм, индӧм ресурсъясӧ да быдмӧгъясӧ гражданаӧн асланыс могъяс вылӧ заптӧм да чукӧртӧм кындзи;
- 5) прӧмыслӧвӧя кыйсьӧм да промышленнӧя чери кыйӧм;
- 6) муяс бурмӧдӧм;
- 7) химия препаратъяс да мувердас видзӧм да наӧн вӧдитчӧм;
- 8) туйясысь, кутшӧмъяс эмӧсь, да торйӧн индӧм местаясысь бокын механизируйтӧм транспортлӧн ветлӧм да сулалӧм (заказник видзӧм серти мероприятиеяс, а сӧдзжӧ заказниклӧн мудорьясын меститчысь вӧр-ва комплексъяс да налысь компонентъяс видзӧм да бӧр лӧсьӧдӧм серти

мероприятияс нуодомкөд йитчөм случайяс кындзи), механической транспорт средствеяс кындзи, кодьяс ветлодлоны да сулалоны товнас, кор усьома лым сэк, кор оз лэдзны му эжд, быдмогьяс да вөр пуктасьяс жугөдөмсө;

9) туясян (корсысян, геофизической, геологоразведочной) уджьяс, муывса механизируйтөм средствеясон водитчөмкөд да му эжд да быдмогьяс тшыкөдөмкөд абу йитчөм уджьяс кындзи;

10) мупытшса озырлун, сы лыдын трунда, корсьом да перйөм;

11) заказниклысь мутас ёгөсьтөм да нйитчөдөм, а сідзжө производство да потребление шыбласьяс меститөм (видзөм да гуалөм), ортсө лэдзан ва нуөдөм;

12) геологической, ботанической, зоологической да мукөд коллекция чукөртөм, наука-туялан могьяс выло найөс чукөртөм кындзи заказникон веськөдлысь органкөд сөгласуйтөмөн;

13) му эжд да быдмогьяс тшыкөдөм, вочны позяна удж сикасьяс збыльмөдөм кындзи;

14) позьяс жугөдөм;

15) аншлагьяс, шлагбаумьяс, стендьяс, мудор петкөдлысь сюрьяс, мукөд юөртан пас да индалысь, экологической ордымьясса да шойччан местаясса оборудование бырөдөм да торкөм, пуяс вылын гижалөм да пасьяс вөчөм.

6.2. Заказниклөн мутасын позьө:

1) нуөдны наука-туялан уджьяс заказникон веськөдлысь органкөд сөгласуйтөмөн;

2) кыйсыны любительскөя да спортивнөя оланпастэчасөн урчитөм пөрадокын;

3) кыйны чери любительскөя да спортивнөя оланпастэчасөн урчитөм пөрадокын;

4) котыртны да нуөдны вөр овмөс, нуөдны вөрьясын пөжарысь да санитарной боксянь видзчысьөмсө могмөдан мероприятиеяс вөр йитөдьяс

ладмөдан юкөнын оланпастэчасөн урчитөм пөрадокын тайö Положениелөн  
6.1 пунктса корөмьяс төд вылө босьтөмөн;

5) стрөитны, выльмөдны, уджөдны линейной объектьяс сэк, кор  
найөс меститны мөд позянлуныс абу, а сідзжө заказник уджөдөмсө  
могмөдөм могысь, заказникөн веськөдлан органкөд сөгласуйтөмөн;

6) капитальной дзоньтавны линейной объектьяс заказникөн  
веськөдлысь органкөд сөгласуйтөмөн;

7) стрөитны абу капитальной стрөйбаяс да сооружениеяс, кутшөмьяс  
йитчөмабсь вөчны позяна удж сикасьяс збыльмөдөмкөд;

8) нуөдны овмөс да мукөд уджлысь мөд сикасьяс, мыйысь абу  
өлөдөма вөр-ваөн вөдитчан да гөгөртас видзан юкөнын оланпастэчасөн да  
тайö Положениеөн, оланпастэчасөн урчитөм пөрадокын.

## 7. Бөртас

7.1. Заказниксө, сы лыдын сылөн мутасын меститчысь вөр-ва  
комплексьяссө да налысь компонентьяссө, видзөны вөр-ваөн вөдитчан да  
гөгөртас видзан юкөнын оланпастэчас серти.

7.2. Заказниклөн вөр-ва комплексьяслы да налөн компонентьяслы  
лөктор вөчан грөз артмөм дырйи сылөн мутасын вөчны позяна удж  
сикасьяссө дзескөдөны, недыр кад кезлө дугөдөны либө дугөдөны  
оланпастэчасөн урчитөм пөрадокын.

7.3. Заказниклысь мутассө места вылын индөны өлөдан да юөртан  
пасьяс сувтөдөмөн, а сідзжө торйөдөны тематической картография  
материальяс вылын.

7.4. Заказниклөн вөр-ва комплексьяслы либө налөн компонентьяслы  
вөчөм лөкторсө колө вештыны Россия Федерацияса оланпастэчас серти.

7.5. Йөзөс, кодьяс мыжабсь заказник торйөн ёна видзан урчитөм  
режим торкөмын, кыскөны кывкутөмө Россия Федерацияса оланпастэчас  
серти.

7.6. Заказник торйөн ёна видзан урчитём режимлөн уджалём да сійёс могмөдём серти мероприятияс збыльмөдсьёны Коми Республикаса республиканскöй сьёмкуд сьём да оланпастэчасөн абу өлөдём мукөд өшмөс тшөт весьтө.

---

Пасйөд. Меститчанінсө да мудорьяссө опишитөма Шойнатыса лесничестволысь 2013 вося вөр овмөс котыртан да нуөдан материалъяс төд вылө босьтөмөн.